

Ukiukhamut Unipkaangit ukuninngat Nunavunmi Qauyihaivikhanut-  
Iqaluktuuttiaq Ihivgiuqhiniirnut  
(Qauyihaivikhanut qauyihaqtut laisiata #: 04 064 12N-M)

Upalungaiqhimayangit una S. Kim Juniper, Aulapkaayi haffuminngat Qauyihainirnut  
unalu Atuqtittiyunut ilagiyangit, Taryum Parnaiyaiyit Kanatami , Ilihagvigyuangata  
Victoria-mi, Victoria, British Columbia

Kiuviniit haffuminngat 2012-2013 Qauyihainirnut Hulidjuhiat

Taryum Parnaiyaiyit Kanatami (ukuninngat NEPTUNE Kanatam tugliat )  
iliuraqtauhimayut imaup iluani ihivgiuqhiyikhamut Iqaluktuuttiarmi kinguani Apitilirvik  
2012 mi. Imaup iluani ihuaqtait qunniarvikhait ilaliutauyut atuqattariangani  
naunaiyaivikhat uuminngat taryum imaup iluaniittunillu, hukum ivyuninganit  
taryurmiuttat uumayut hulidjuhiat taryum hinaani nayurvikhaat Iqaluktuuttiam tulagvianit  
mikiyumik hilahiutiqarvik nayugaanillu. Naunaiyaivikhat hamannngat imaup iluani  
ihuaqutikhait unalu hilahiutiqarvium turaaqtauhimayut haffuminngat WIFI katilvingit  
qaritauyakkut ukuninngat Nunavut kavamangit havagvianit, taimaa turaaqtauluni  
ukuninngat alruyaqanngittukut ingilrutainit ukuninngat naunaiyaivikhait uvani  
Ilihagvigyuangani Victoria-mi naunaiyaivikhait tamainnut.

Hamna ihivgiuqhiivikhat aulattitihimayut aturaaqhimayumi taimaa iliyauhimaavlutit,  
naunaiyaivikhaavluni ihuaqutikhait naunaiyaivikhanut qauyihaiyunut kitunuliqaak  
naunaiyaikumayunut. Kiuhiimayangit naunaiyaiyut hivuani atulihaaqhuniuk  
aulapkaihimayut turaaqtauhimayaavlutik amihunut angitqiyaanit naunaiyaivikhanut  
katimaryuaqhutik ilaliutauvlutik hapkuat ArcticNet 2012 katimaryuaqhutik uvani  
Vancouver, BC, hamna 2013 mi Ukiuqtaqtum Ihivgiuqhiyut Katimavlutik Vancouver,  
BC-mi, unalu Kaniitian Hilaliqinikkut unalu Taryurmiuttaliqiniit Katimayit Ukiunganit  
Katimavlutik uvani Saskatoon, Saskatchewan (26-30 Qiqaiyaluarvia 2013-mi). Hamna  
naunaiyaiviniit aulapkaihimaavlutik amihuuyut piyumayainnit ukuninngat  
qauyihaivikhanut nunalingnit uuminngalu Kavamatuqait Nunallaamilu kavamaita  
kivgaqtuiyunut.

Taamna ilagiyauhimaayut Qakuqtat Alilayut, upalungaiqtauhimayut haffuminngat 2013  
Ukiuqtaqtumi Ihivgiuqhiyut Katimaryuaqhutik, nailihauhimaayangit haffuminngat  
kiudjuhiit hivulliqaami qauyihaivlutik ihivgiuqhiyut unalu nunalingnit qauyihaiyunit  
hulidjuhianit.

Upalungaiyautikhait 2013 Hulidjuhikhait

Taryum Parnaiyaiyit Kanatami upalungaiyaivlutik qaitquiayangit ikayuqatigiiktut  
ayuittunut qauyihaiyut qauyihaqhimayunut Iqaluktuuttiarmut uvani Niqiliqivik 24  
hamunga Apitilirvik 4, 2013 mi, naunaiyariiriangani nutaannguqtirianganilu hamna  
imaup iluani ihivgiuqhiinirnut taryum hinaanit hilaum qauyihaivikhait. Imarmi  
puptaumilaqtut qauyihainaharlutik himmauhilutik imaup iluani tunmavikhaat taimaa

ingilrutikhait ihuaqutikhait illiriyaugiangani. Ilaginahuarlugillu, imarmiuttat uqaluunmik, imaup iluani tuhalaagtumik, illiriyauniaqhugillu taimaa tahapkuat qauyihaiyut naunaiyaigiangani ihivriurianganilu kitunuliqaak amiqhaiyut imarmiuttat uumayuit naalagiangani, ataani tuhaumalaaqtut umiat qaangiraangamik. Hamna hila mut naunaiyaivikhaq uvani tulagvingmiittut himmauhiqtauluni ihuatqiyaanit nutaatqiyaanit ihuaqutikhaat. Havaktut aulapkailaaqhutik ukuninngat Kaniitian Imarmiuttaliqiniit Ikayuqtut, taimaa aulavikhaliurniaqhutik taamna tuhaumavikhaat imaup iluani ihuaqutikhamut tunmavianit, taimaa aturiangani taryum uukturautiqattariangani. Taimaa aturaangat amiqhaiyunut qanuq taryum naunaiyaivikhaat Iqaluktuuttiarmi, naunaittariangallu taryum ihivriuqattaraangat. Uvaguttauq upalungaiyaqhimayavut takugakhanut naunaitkutikhaillu tamainnut kitunuliqaak naunaittiarumayut Iqaluktuuttiarmi havaqativut pulaaqhimaniaqtut qakugunnguqqat auyami. Naunaivikhait takugakhavut nutaqqat qunniaqtakhait inuuhuktum iliharviannit qauyihaivikhait ilihautikhait, ilauqatauniaqhunilu ilihaiyi Beth Sampson-lu.